

<<反斗黑白風雲>> (劇本初稿)
編劇: 2014-15 編劇班成員

反斗黑白風雲

編劇:

王譽; 李柏朗; 謝樂妍; 鍾嘉敏; 吳穎妍; 譚敬曦; 于俊文

角色表:

1. 小白
2. 小白的爸爸
3. 小白的媽媽
4. 細路
5. 村長
6. 花師奶
7. 宅男
8. 七婆
9. 村民 1 (村長跟班)
10. 村民 2
11. 村民 3
12. 塔羅師
13. 占卜師
14. 魔法師
15. 八卦佬
16. 八卦阿嬪

17. 八卦阿婆

18. 科學家 1

19. 科學家 2

20. 警員

第一場

地點: 村長辦公室

村民 1: 喂喂喂! 你知唔知今日開會係為咗啲咩呀?

所有村民: 我點知啫!

七婆: 喂喂喂! 你知唔知今日開會係為咗啲咩呀?

所有村民: 我點知啫!

論盡仔: 我點知啫!

論盡仔: 喂喂喂! 你知唔知今日開……呀 sorry 呀村長!

村長: 喂——喂——喂!(慢慢地)可——以——開——會——未——呀?

眾人: 可以, 村長。

村長: 我哋大家嚟係為咗……

八卦阿婆: 講快啲啦, 我仲要返屋企湊孫呀!

警員: 噓!

村長: 係為咗同大家講, 我哋條村, 將會有三個新人嚟到。

所有村民: 三個新人?

村民 1: 新人? 係咩人嚟架?

七婆: 佢靚唔靚仔架?

村民 2: 有冇錢架?

八卦佬： 結咗婚未架？

花師奶： 佢嘅教育程度高唔高架？

論盡仔： 佢屬咩架？

馬姐： 屬咩關你咩事呀！

論盡仔： 我想了解吓佢多啲呀嘛。

眾人： 嘩！！

村民2： 專心啲啦！

村長： 佢係咩人我就唔知，但係我知道佢有冇錢。

所有村民： 咁有冇錢架？

村長： 啖……我唔記得咗啦！

眾人： 嘩！！！！

馬姐： 咁佢靚唔靚

村長： 同我差唔多啦！

眾人： 嘩！！！！

村長： 佢係聽講佢咁好唔同架！

八卦佬： 點唔同法？

霍師奶： 係唔係有六隻眼架？

論盡仔： 有三個鼻哥窿？

所有村民： 咁咪好醜樣？

村長： 都話佢同我一樣囉。

眾人： 嘩！！！！

村長： 但係聽講，佢哋一家三口個教育程度都好高架！
可以幫你個台孫補習。

花師奶： 嘩！咁我咪唔洗湊孫囉！

八掛佬： 咁都好啱，可以教我英文。

論盡仔： 可以教我數學呀！

村民 1,2,3： 教我哋做生意仲好啦！

村長： 我仲聽講，佢個仔好靚仔架！

霍師奶： 咁咪可以娶我個女？

男村民： 你個女得 7 歲咋！

七婆： 咁咪可以同我結婚啫！

所有村民： 你 37 歲啦啫！

村長： 佢得 17 歲咋啫。

眾人： 17 歲？

村長： 我相信佢嚟到會帶俾大家好運。

所有村民： 咁都幾好！佢哋而家喺邊？

村長： 佢哋而家就喺出邊！

(小白一家人入場)

爸爸： 大家好,大家好!

全部人： 吓?

花師奶： 點解你哋一家三口啲頭髮都係白色嘅?

爸爸: 白頭髮...人老咗就會白頭髮架啦。好似我老婆咁，佢都有白頭髮啊！

七婆： 但係我 37 歲都無白頭髮啲!

媽媽： 可能因為你地係黑髮村啦，所以你地先會有黑頭髮啫，係黑髮村之外有好多人係有白頭髮架。

論盡仔： 咁點解你個仔 17 歲就有白頭髮嘅？

小白： 我都唔知啊....可能我諗得野多瓜。

所有村民： 該燴囉！

所有村民： 大吉利是囉！

七婆： 撞鬼囉！

爸爸： 我地以後就係鄰居啦，請多多指教。

全部人： 一定一定....

小白： 我叫小白，請多多指教。

村長： 不如等我而家帶你哋去你地屋企囉。

一家三口： 好啊，唔該!

(一家三口及村長離場)

村民： 我都未見過有人有白頭髮架!

七婆： 好恐怖呀!

村民 1,2,3： 我就唔信佢哋會為我哋帶嚟好運。

花師奶： 搞到我好擔心呀!

(小白進場)

小白： 唔好意思。

全部人： 有啲咩我可以幫到你嘅?

第二場

地點: 黑髮村外空地

村民 1: 大件事啦,大件事啦!

塔羅師: 咩事呀先生?

村民 1: 我哋條村最近嚟咗一家人,我哋成條村而家變得好邪呀!

塔羅師: 唔好緊張,等我幫你算下(洗牌)你而家抽一張牌啦!

村民 1: (搞啲牌)就呢張啦!

塔羅師: 呢張...係死亡呀!佢代表失敗!

村民 1: 我不撈都好失敗架啦!

塔羅師: 生病!

(村民 1 咳)

村民 1: 突然間咳添.

塔羅師: 同埋,枯燥嘅生活!

村民 1: 吓?乾燥?搽呢隻得唔得呀(拿出 Cream)

塔羅師: 唔好意思呀,係枯燥.

村民 1: 哦,咁有咩辦法呀?

塔羅師: 最好就係趕佢走,如果唔係就會有人死亡或者受傷

村民 1: Thank you. 好邪呀!

占卜師: 七婆你今日嚟有咩事呀?

七婆: 嘩! 你好犀利呀! 我…好似老咗

占卜師: 係咪新嚟嗰個人呀?

七婆: 係一個家庭嚟架

占卜師: 我真係要睇多啲新聞先得, 連呢啲都唔知。咁你今日嚟想做啲咩啊?

七婆: 我想問嗰個家庭係咪帶黎咗惡運呀?

占卜師: 咁你係度抽一枝簽先啦

(七婆抽咗枝簽)

占卜師: 呢個呢…係下下簽啊! 上面寫著:眼前歡喜未必歡,危不危兮安不安; 割肉成瘡因甚事,不如守舊得安全。

七婆: 即係咩呀?

占卜師: 即係你要盡快趕走那個人, 如果唔係就會有人受傷或者死亡

所有村民: 真係好邪呀! (走)

占卜師: 喂! 你未俾錢呀!

論盡仔: 大件事啦大件事啦!

魔法師: 論盡仔, 冷靜啲咩事呀?

論盡仔: 今朝起嘅時候, 我有啲眼瞓呀! 唔知係咪小白搞鬼

魔法師: 等我幫你睇下先 (跌眼鏡) 哎呀……點會咁架, 我從來都未試過跌眼鏡架…

論盡仔: 好邪呀好邪呀!

魔法師： (戴上眼鏡，狂吸氣) 我見到啦！我見到小白身上...有一隻...
甲由！

所有村民： 甲由呀！

論盡仔: 佢身上有隻甲由又會點呀？

所有村民： 係囉！

魔法師： 我見到佢身上寫住三個字（做三的手勢）

所有村民： 三個字？

魔法師： 係（舉起一隻手指）惡
（舉起另一隻手的一隻手指）運！

所有村民： 惡...運...？

魔法師： 唉呀，sorry，係兩隻字。只要我地傳染到呢啲惡運，我哋就會死亡！

所有村民： 咁點算呀？

魔法師： 唯一嘅方法...就係...趕佢走

所有村民： 好邪呀！

七婆： 我哋一於趕佢哋走！

所有村民： 好！

七婆： 做嘢！

第三場

(村長拍八卦阿孀的肩膀, 八卦阿孀搖頭. 八卦阿孀拍七婆的肩膀, 七婆搖頭. 七婆拍 “論盡仔” 的肩膀, “論盡仔” 點頭. “論盡仔” 往「景片」後面望去, 見到小白, 把頭轉回來, 向眾人 (村長; 八卦阿孀; 七婆; “論盡仔”) 打了一個手勢. 小白走進來, 向眾人打招呼.)

小白: Hello!

村長; 八卦阿孀; 七婆; “論盡仔”: Hello!

(眾人說完後, 立刻開始咳嗽. 從 “論盡仔” 開始, 然後是七婆, 接著是八卦阿孀, 最後是村長. 小白扮一個很不開心的樣子, 走入後台. 眾人開始捧腹大笑. 小白的媽媽走出來, 七婆踏出一步)

七婆: 你個仔走佐之後啊, 真係舒服好多啊!

(七婆一邊講一邊做伸展動作, 表現很輕鬆, 然後跳兩下. 小白的媽媽好像很內疚, 低下頭, 回入後台. 眾人等小白的媽媽走開後, 一起做成功的動作)

村長; 八卦阿孀; 七婆; “論盡仔”: Yes!!

(眾人站回原位, 八卦阿孀舉手, 從懷中拿出一些食物, 分給村長; 七婆和 “論盡仔”. “論盡仔” 往「景片」後面望去, 把頭轉回來, 向眾人 打了一個手勢. 眾人立即準備好, 開始吃東西. 小白走進來, 眾人繼續吃東西, 見到小白, 開始嘔吐. 小白扮一個很不開心的樣子, 走回後台. 眾人等小白走後, 哈哈大笑. 小白的媽媽走進來, 八卦阿孀踏出一步)

八卦阿孀: 你個仔走咗之後啊, 啲食物好味佐好多啊!

(村長; 八卦阿孀; 七婆; “論盡仔” 繼續吃東西, 好像很享受的樣子. 小白的媽媽, 低下頭, 離開, 眾人待她走後, 又做了一個成功的姿勢)

村長; 八卦阿孀; 七婆; “論盡仔”: Yes!

(眾人回到原位, 村長舉手, 從大衣中拿出一網紅包 (即利事), “論盡仔” 往「景片」後面望去, 見到小白, 把頭轉回來, 向眾人 打了一個手勢. 八卦阿孀; 七婆和 “論盡仔” 排好隊, 等著拿紅包. 小白走進來, 見到村民在要紅包, 也站在隊後. 眾村民一起做拜年的手勢, 村長逐一派紅包給村民們. 當派到小白的時候, 村長忽然咳了兩下, 然後叫)

村長: 大吉利是啦!

(村長走進後台, 然後八卦阿孀拿著利是, 跟著叫到)

八卦阿孀: 大吉利是啦!

(八卦阿孀走進後台, 接著七婆也叫到)

七婆: 大吉利是啦!

(七婆走入後台, 最後論盡仔叫)

論盡仔: 大吉利是啦!

(論盡仔走入後台, 小白的媽媽走入舞台, 拍了一下小白的肩膀, 安慰他。)

第四場

(媽咪安慰小白,突然科 1,2 走出來捉小白+小白媽咪,左手扯小白+小白媽咪的左手,右手推住 小白+小白媽咪的背)

科學家 1+科學家 2: 我係警察!我宜家正式拘捕你!!

小白: 你都唔係警察。你只係個科學家嘛!

科學家 1: 總之就唔准啦。

村長: 停手呀!七婆你唔好太過份!你唔係話淨係困住佢咩?

七婆: 你咁無用,村長就俾我做!

第五場

(二十年後，論盡仔，花師奶已成為「細路」的父母。七婆亦已變成村長。)

細路： 爸爸，媽媽快D啦！

論，花： 唔好走！

細路： 你哋係咪驚被村長話？你哋好長氣！

論： 個仔去佐邊？

花： 你點做人媽媽？

論： 你點做人爸爸？

花： 你點做人媽媽？

論： 你點做人爸爸？

花： 你點做人媽媽？

論： 你點做人爸爸？

(其他人進場)

(村長走到椅子前)

七婆： 都唔知隻鴉烏點架，都俾人困咗成 20 幾年，但係 d 科學家仲話佢正常。

論盡仔： 村長，不如放咗佢啦！

七婆： 你知唔知你講咩？

跟班： 村長息怒！村長息怒！你知唔知你講咩？聽村長講！

(細路走進開會場地)

細路： 你地傾緊咩呀？乜野係鴉烏呀？佢係邊呀？

村長： 嘩！個仔咁大個噏，小心 d 講野啎！

跟班： 係囉，細路，小心 d 講野呀！

細路： 頭先你講到嗰隻鴉烏咁恐怖，我想去睇吓呀！

花師奶： 小朋友唔識講野，村長你大人有大量，唔好怪佢呀

七婆： 好好睇住你個仔啦！

論盡仔： 快 d 返屋企做功課！

細路： 但係我做晒功課拿啎！

花師奶： 唔，好啦！你去玩啦，唔好咗住大人講野，但係你千期唔好去黑森林！

細路： 你好長氣！

(細路出去玩)

論盡仔： 你困嗰隻鴉烏幾耐都得，總之唔好搞到我個仔

花師奶： 係呀！

七婆： 睇吓點！

跟班： 小心 d 呀！

(離開會場)

(村長、跟班來到黑森林裏。他們圍著小白步行)

(細路無意中發現他們)

細路： 睇吓佢地做咩先！

(躲到樹後，偷望他們)

跟班： 困多你三十年呀！

七婆，跟班：哈哈哈哈哈……

(跟班奸笑然後離開)

(細路看清楚沒人後出現)

細路： Hi，你好！

小白： 你又想捉我做實驗，虐待我？

細路： 做實驗，虐待？

小白： 你唔好再扮好人，有事去搵你個七婆村長。走啦！唔好過尼呀！如果唔係，我啲惡運會殺咗你架！

細路： 我又冇發燒又有病，睇你甘可憐，俾啲嘢食你啦！（給一個盤小白，盤中有些食物）

小白： 我唔會食你地啲黑心既食物！你地一定落咗毒！

細路： 沒有。

小白： Thanks。其實呢……我想問你少少野……你點解會困咗喺度嘅？

小白： 就係你地以為我白頭髮就唔正常，所以就岐視我，困咗我喺度！仲有呀，我阿爸阿媽都係俾你地做實驗而死㗎！

(大哭)

細路： 太過份喇！我一定要話俾村長同埋我阿爸阿媽聽！你相信我啦，我一定會同佢地講㗎啦！宜家我要將你喺籠裏面救出尼！

小白： 唔好做傻事呀！我俾人困咗二十年，我以為自己可以走出尼，但係十幾年後，我仲喺個籠裏面

細路： 我你一定會救你出來！

(回到村裡)

(細路大力的打開他家的門)

細路： 阿爸阿媽！

花： 你點做人媽媽？

論： 你點做人爸爸？

花： 你點做人媽媽？

論： 你點做人爸爸？

花： 你點做人媽媽？

論： 你點做人爸爸？

(細路阻止他吵架)

細路： 你哋有份困小白入籠啊！

論盡仔： 其實我哋都好內疚架！

花師奶： 我哋都想救佢出嚟架！

細路： 快d救！

花師奶： 所有都係七婆做！

論盡仔： 發好多人都驚佢！

論盡仔： 仔，既然我哋嘅諗法一樣，我哋不如去救小白咯！

花師奶： 但係七婆…

論盡仔： 我哋意見一致，係時候做好事！

花師奶： 支持！

細路： 爸，你好型！

(細路從一張椅子拿起一些東西。)(當細路打開門時，他們看見了村長！)

村長： 做咩啊？想作反去救小白啊？人嚟！

(村長的跟班走出來)

跟班： 係！

村長： 同我帶佢地幾個入籠！

跟班： 係！

（跟班抓住他們三個人，把他們放進籠裏）

（黃昏時）

村長（跟班跟著他圍著籠子）：幾好啊！

村長： 做得幾好啊！

村長： 幾健康啊！

村長： 咦！就嚟天黑囉喎！你都劫囉喎！快啲返去啦！

跟班： 哦！好啊！

村長： 喂！你地四個唔準瞓呀！

跟班： 唔準瞓！

村長： 再瞓困多你三十年呀！

跟班： 再瞓困多你三十年呀！

（村長回到家睡覺。跟班從村長的口袋裏拿出開啟籠子的鑰匙。）

跟班2：（一些食物給他們，不小心把小白、論盡仔、花師奶和細路嚇倒。）俾啲嘢食你地呀！

（細路把食物吃完。）

小白： 你哋食先！

細路： 你轉死性呀？

跟班： 因為…………其實我都喺白頭髮架！只不過我染咗頭髮咋！其實白頭髮係正常架！

所有人： ？

（跟班打開籠子的門。他們呆呆地望著跟班。）

跟班： 望咩望啫！走啦！

跟班 1： 係啊！七婆，你唔好虐待人啦！

跟班 2： 其實好多人都有白頭髮。

跟班 3： 我哋都有！

細路： 你覺得你好叻咩？我最唔欣賞呢 d 人。

花師奶： 其實我好懷念之前的日子！
（小白走過村長望了一下，離開村長一米半。）

論盡仔： 互助互愛！

村長： 其實我害咗你之後亦都天天做噩夢！我琴晚仲發咗一個好邪嘅噩夢添。

（村長回想自己的夢）

科學家 1,2： 唔準瞓呀！唔準食！

村長： 唉，件事就係咁啦。（村長哭）你可唔可以原諒我啊？

小白： 你話呢？（大約五秒後……）當然可以啦！

村長： 我而家好後悔，亦都好自卑……
（村長忽然嚴肅）

村長： 聽日開會！

(翌日)

師奶： 喂喂喂，你知唔知道今日點解開會嘅？

村長： 安靜！我有嘢要宣布！我之前.....對小白做嘅事...我覺得十分之遺憾同埋後悔.我宜家正式釋放小白。

跟班： 我地以熱烈嘅掌聲歡迎小白！

(眾人熱烈鼓掌)

村長： 另外，我仲要宣布我將村長嘅職位交比我嘅跟班，我地以熱烈嘅掌聲歡迎我地嘅新村長！

(眾人熱烈鼓掌)

跟班1： 我好開心可以做到村長呢個職位，身為一個村長，我第一樣要教大家嘅嘢就係，喺世界各地，有好多唔同髮色嘅人，只要高科技染髮，紅、橙、黃、綠、青、藍、紫都有架！

論盡仔： 有無紫色架？

阿婆： 有無紅色架？

花師奶： 有無粉紅色架？

跟班： 只要你染嘅話，連銀色、金色都可以染到架！

小白： 其實唔單只頭髮嘅顏色唔同，膚色都唔同架！有黃種人、白種人、黑種人……

~全劇完~

<<反斗黑白風雲>> (劇本初稿)
編劇: 2014-15 編劇班成員